

RAPPERSWIL ZH      Baby Jail 1988 (Text: Boni Koller)

Lauf emal dur d'Bahnhofschtrass vom See bis zum Paradeplatz  
Wiiter über d'Münschterbrugg, as Bellevue und dänn wider  
zrugg

Merksch es bald, dass öppis schtört, öppis wo weh tuet  
wämmers ghört

Bliibsch am Bürkliplatz mal schtah, ghörsch überall so helli „A“

D'Sanggaller schtönd scho z'Rapperswil, z'Rapperswil,  
z'Rapperswil

Und bi eus häts au scho vill

D'Sanggaller schtönd scho z'Rapperswil, z'Rapperswil,  
z'Rapperswil

Bis a d'Sihl fählt nümme vill

S'Chreibbüro und s'Arbeitsamt sind längschtens nümme in  
Zürcher Hand

D'Schtadtregierig und au d'Schmier sind scho völlig infiltriert

Au wänn'd nur gschnäll gahsch go poschte, überall Schpitzel us  
em Oschte

Sogar de Kontrollör im Tram chunnt usem Sanggallerland

D'Sanggaller schtönd scho z'Rapperswil....

De Zürisee heisst Zürisee, Rapperswil isch am Zürisee

Und schtatt Züri au no gäh müemer Rappi wider inenäh

Sanggaller uf Sanggale zrugg, e grossi Muur im Toggeburg

Und wänns dänn nonig Rue wänd gäh, jagemers in Bodese

D'Sanggaller schtönd scho z'Rapperswil....